

*Bosna i Hercegovina*  
*Federacija Bosne i Hercegovine*  
**ZENIČKO-DOBOJSKI KANTON**  
**OPĆINA MAGLAJ**  
**OPĆINSKO VIJEĆE**  
Služba Općinskog načelnika  
I Općinskog vijeća



*Bosnia and Herzegovina*  
*Federation of Bosnia and Herzegovina*  
**ZENICA – DOBOJ CANTON**  
**MAGLAJ MUNICIPALITY**  
**MUNICIPAL COUNCIL**

Broj: 02-05-1- /17  
Maglaj, 25.04.2017. godine

## **OPĆINSKO VIJEĆE**

**PREDMET: Informacija o realizaciji zaključaka od 1-5 sjednice Općinskog vijeća.-**

### **Prva redovna sjednica održana dana 6.12.2016.godine**

AD – 1 Izvještaj o izvršenju Budžeta-Proračuna Općine Maglaj za period 01.01.-30.06.2016. godine

## **ZAKLJUČAK**

- 1.1. Ne usvaja se Izvještaj o izvršenju Budžeta-Proračuna Općine Maglaj za period 01.01.-30.06.2016. godine
- 1.2. Zadužuje se Općinski načelnik da angažuje verifikovanu instituciju koja će u relativno kratkom i razumnom roku izvršiti reviziju upravljanja Budžetom Općine Maglaj u prethodnih pet godina
- 1.3. Da se sa tim izvještajem ili analizom upozna Općinsko vijeće i javnost.
- 1.4. Do kraja ove sedmice dostaviti Informaciju o svim isplatama sa računa Općine Magla u periodu od 1.1. 2016. do 1.12.2016.godine, koje se tiču svih populacija koje su nastradale, ili su ugrožene u toku ovih elementarnih nepogoda u 2014.godini.
- 1.5. Informaciju protokolirati i zvanično dostaviti kako bi svi vijećnici imali priliku da se upoznaju sa tim materijalom.

### **Odgovor:**

**Zaključak 1.1. – Realizovan:** Izvještaj o izvršenju Budžeta-Proračuna Općine Maglaj za period 01.01.-30.06.2016. godine - objavljen u «Službenim novinama Općine Maglaj».

### **Zaključak 1.2. - Realizacija u toku:**

U cilju realizacije zaključka pokrenut je postupak javne nabavke, te je izrađena tenderska dokumentacija za postupak konkurentskog zahtjeva za dostavljanje ponuda, koja je upućena na adrese tri (3) društva za reviziju.

Na Portalu javnih nabavki u skladu sa Zakonom o javnim nabavkama ("Sl. glasnik BiH", br. 39/14) objavljeno je obavještenje o provođenju predmetnog postupka javne nabavke, na osnovu čega su još dva (2) revizorska društva zatražila dostavljanje tenderske dokumentacije, tako da je tenderska dokumentacija upućena na ukupno pet (5) društava za reviziju.

U ostavljenom roku, koji je istekao dana 24.04.2017. godine u 13,00 sati, svoje ponude su dostavila četiri (4) revizorska društva. Ponude su otvorene; izrađen je Zapisnik sa otvaranja ponuda, koji će u zakonskom roku biti prosljeđen svim ponuđačima koji su dostavili ponude i time učestvovali u predmetnom postupku javne nabavke. Nadalje je dostavljene ponude potrebno pregledati i ocijeniti u skladu sa Zakonom, pripadajućim podzakonskim aktima i svim zahtjevima utvrđenim tenderskom dokumentacijom, što je u toku.

**Zaključak 1.3. – Realizovan:** Informacija urađena 9.12.2016.godine i dostavljena uz spisak. Spisak sadrži ime i prezime, datum isplate i visinu iznosa od 1 – 684.

**Zaključak 1.4. Realizovano:** Informacija broj: 04-14-10-2131/16 od 9.12.2016.godine i spisak dostavljeni svim vijećnicima.

AD –3

a)Nacrt Budžeta/Proračuna Općine Maglaj za 2017. godinu

b)Nacrt Odluke o izvršavanju Budžeta Općine Maglaj za 2017. godinu

## Z A K L J U Č A K

3.1. a) Usvaja se Nacrt Budžeta/Proračuna Općine Maglaj za 2017. godinu, uz sve iznesene primjedbe i sugestije.

3.2. OV upućuje Nacrt Budžeta Općine Maglaj za 2017.godinu u javnu rasprava i utvrđuje rok od 10 dana

3.3. Za provođenje javne rasprave zadužuje se Služba za privredu, finansije i razvoj poduzetništva i Općinski načelnik.

3.4. Obavezuje se Općinski načelnik da do usvajanja Prijedloga Budžeta Općine Maglaj za 2017. godinu sačini program mjera štednje i racionalizacije Budžeta/ Proračuna za 2017. godinu

b) Usvaja se Nacrt Odluke o izvršavanju Budžeta Općine Maglaj za 2017. godinu

**Odgovor: Realizovano.**

**Zaključak 3.2.** Provedena javna rasprava, uobzirene primjedbe i sugestije i ugrađene u Prijedlog Budžeta/Proračuna za 2017.godinu.

**Zaključak 3.4.** Urađen Program mjera štednje i racionalizacije i prezentiran OV Maglaj na sjednici kada se usvajao Prijedlog Budžeta Općine Maglaj za 2017. godinu 28.12.2016. godine.

## AD – 4 Nacrt Programa rada Općinskog vijeća za 2017. godinu

## Z A K L J U Č A K

4.1. Usvaja se Nacrt Programa rada Općinskog vijeća za 2017. godinu.

4.2. OV upućuje Nacrt Programa rada OV za 2017. godinu u javnu raspravu i utvrđuje rok od 15 dana.

4.3. Za provođenje javne rasprave zadužuje se Služba Općinskog načelnika i Općinskog vijeća

**Odgovor: Realizovano.**

**Zaključak 4.2.** Provedena javna rasprava u ostavljenom roku. Primjedbe, prijedlozi i sugestije ugrađene u Prijedlog Programa rada Općinskog vijeća za 2017. godinu.

AD –5 Prijedlog Rješenja o imenovanju Komisija OV kao stalnih radnih tijela,

- a) Komisiju za statutarna pitanja, Poslovnik i propise;
- b) Komisiju za zaštitu ljudskih prava, predstavke i pritužbe građana;
- c) Komisiju za privredu, prostorno uređenje, urbanizam i zaštitu okoliša
- d) Komisiju za društvene odnose, odnose sa vjerskim zajednicama, boračko invalidska i socijalna pitanja;
- e) Komisiju za pitanja mladih ravnopravnost polova;
- f) Etička komisija časti;
- g) Komisija za zaštitu kulturno historijskog i privrednog naslijeđa i turizam;
- h) Komisija za obilježavanje značajnih događaja i ličnosti iz historije Maglaja;
- i) Komisija za dodjelu javnih priznanja ;
- j) Komisija za poljoprivredu, vodoprivredu i šumarstvo
- k) Komisija za obrazovanje, nauku, kulturu i sport
- l) Drugostepena stručna komisija

## **Z A K L J U Č A K**

5.1. OV prihvata prijedlog Rješenja o imenovanju komisija stranačkog sastava svih radnih tijela, koji je predložen od strane koalicioničkih partnera i usvojen na Komisiji za izbor i imenovanje sa četiri glasa za i jednim protiv.

5.2. Obavezuju se SDA i HDZ da dostave prijedloge imena članova za popunu komisija, najdalje do održavanja Kolegija OV.

5.3. Obavezuju se predsjednici komisija da najdalje u roku od 45 dana od prijema Rješenja sazovu prve sastanke Komisija, odnosno održe konstituirajuće sjednice i sačine Plan rada za 2017. godinu i isti dostave OV.

### **Odgovor:**

**Zaključak 5.1. Realizovano:**

**Zaključak 5.2. Realizovano:** SDA nije dostavila prijedloge imena članova za popunu komisija, HDZ dostavila svoje prijedloge.

**Zaključak 5.3. Realizovano:** Sve Komisije održale konstituirajuće sastanke u roku.

AD –6 Informacija o uklanjanju mliječnog dijela na zelenoj pijaci

## **Z A K L J U Č A K**

6.1. Obavezuje se JP KJD Maglaj da u što kraćem roku obezbijedi rashladne vitrine za mliječnu pijacu, da se što hitnije pristupi rješavanju problema mliječne pijace i da se sistemski pristupi rješavanju pitanja iz komunalne djelatnosti.

**Odgovor: Realizovano:** Mliječna pijaca u funkciji u krugu Tržnog centra.

AD –7 Akti iz Službe za urbanizam, geodetske i imovinsko pravne poslove :

- Prijedlog Odluke usvajanje plana utroška sredstava ostvarenih po osnovu «naknada za korištenje državnih šuma».

## ZAKLJUČAK

7.1. Donosi se Odluka o usvajanju plana utroška sredstava ostvarenih po osnovu «naknada za korištenje državnih šuma»

7.2. Ovlašćuje se Općinski načelnik da odluči o prioritetima za sanaciju putnih pravaca iz sredstava ostvarenih po osnovu naknada za korištenje državnih šuma.

**Odgovor:** U toku realizacija Odluke

### Druga redovna sjednica Općinskog vijeća održana dana 28.12.2016.godine

AD – 1 Odluka o izmjenama i dopunama Budžeta/Proračuna Općine Maglaj za 2016. godinu.

## ZAKLJUČAK

1.1. Ne usvaja se Odluka o izmjenama i dopunama Budžeta/Proračuna Općine Maglaj za 2016. godinu.

**Odgovor:** Odluka o izmjenama i dopunama Budžeta/Proračuna Općine Maglaj za 2016. godinu objavljena u «Službenim novinama Općine Maglaj».

AD –2 a) Prijedlog Budžeta/Proračuna Općine Maglaj za 2017.godinu.

b) Prijedlog Odluke o izvršavanju Budžeta Općine Maglaj za 2017.godinu.

c) Informacija o Programu mjera štednje i racionalizacije Budžeta/ Proračuna za 2017. godinu.

## ZAKLJUČAK

2.1. a) Usvaja se Budžet/Proračun Općine Maglaj za 2017. godinu, uz izmjene:

Sa ekonomskog koda 614-324 analitički dio 113, 114, 115 da se umanje sredstva za po 1.000,00 KM, a da se te 3.000,00 KM prebace na kod ostala boračka udruženja, za potrebe finansiranja potreba boračkih udruženja.

Sa stavke 615 118 – 4 - Sufinansiranje kandidiranih projekata iz oblasti boračko-invalidske i socijalne zaštite, kao i projekata vezanih za raseljena i izbjegla lica - umanjiti iznos od 20.000,00 KM , za isti iznos povećati stavku 613 973 - Izdaci za pripravnike bez zasnivanja radnog odnosa za stručno osposobljavanje po Zakonu o radu - novi Zakon, na iznos od 45.000,00 KM.

2.2. b) Usvaja se Odluka o izvršavanju Budžeta Općine Maglaj za 2017. godinu.

2.3. c) Prima se k znanju Informacija o Programu mjera štednje i racionalizacije Budžeta/Proračuna za 2017. godinu.

**Odgovor: Realizovano:**

**Zaključak 2.1. a)** Budžet/Proračun Općine Maglaj za 2017. godinu sa ugrađenim izmjenama objavljen u «Službenim novinama Općine Maglaj».

**Zaključak 2.2. b)** Odluka o izvršavanju Budžeta Općine Maglaj za 2017. godinu.

**Odgovor:** Dokumenti su objavljeni u Službenim novinama Općine Maglaj kako je propisano Zakonom i dostavljena Obavijest Službama, a Službe u skladu sa svojim nadležnostima budžetskim korisnicima o usvojenim dokumentima i broju Službenih novina Općine Maglaj u kojima su isti objavljeni i sredstvima opredijeljenim za njih.

### **AD – 3 Program rada Općinskog vijeća za 2017. godinu**

#### **Z A K L J U Č A K**

3.1. Usvaja se Program rada Općinskog vijeća za 2017. godinu.

**Odgovor: Realizovano:**

Program rada Općinskog vijeća za 2017. godinu objavljen u «Službenim novinama Općine Maglaj», dostavljen svim Službama.

AD – 4 Prijedlog Rješenja o imenovanju Komisija OV kao stalnih radnih tijela,

- a) Komisiju za statutarna pitanja, Poslovník i propise;
- b) Komisiju za zaštitu ljudskih prava, predstavke i pritužbe građana;
- c) Komisiju za privredu, prostorno uređenje, urbanizam i zaštitu okoliša
- d) Komisiju za društvene odnose, odnose sa vjerskim zajednicama, boračko invalidska i socijalna pitanja;
- e) Komisiju za pitanja mladih ravnopravnost polova;
- f) Etička komisija časti;
- g) Komisija za zaštitu kulturno historijskog i privrednog naslijeđa i turizam;
- h) Komisija za obilježavanje značajnih događaja i ličnosti iz historije Maglaja;
- i) Komisija za dodjelu javnih priznanja ;
- j) Komisija za poljoprivredu, vodoprivredu i šumarstvo
- k) Komisija za obrazovanje, nauku, kulturu i sport
- l) Drugostepena stručna komisija

#### **Z A K L J U Č A K**

4.1. Donose se Rješenja o imenovanju Komisija OV kao stalnih radnih tijela.

**Odgovor:**

**Zaključak 4.1.** Komisije imenovane, Rješenja dostavljena svim članovima Komisija i objavljena u «Službenim novinama Općine Maglaj».

AD – 5 Rješenje o produženju važenja imenovanja Komisije za procjenu prometne vrijednosti nekretnina na kraći period.

#### **Z A K L J U Č A K**

5.1. Donosi se Rješenje o produženju važenja imenovanja Komisije za procjenu prometne vrijednosti nekretnina na kraći period.

**Odgovor: Realizovano.**

**Treća redovna sjednica Općinskog vijeća održana dana 01.02.2017.godine**

- AD - 1. a) Izvještaj Općinskog načelnika za 2016. godinu  
b) Program rada za 2017. godinu;

### **Z A K L J U Č A K**

- a) Ne usvaja se Izvještaj Općinskog načelnika za 2016. godinu.  
b) Program rada za 2017. godinu.

### **Z A K L J U Č A K**

- b) Usvaja se Program rada za 2017. godinu, uz prijedloge :  
Preduzeti korake ka certifikaciji općinske administracije;  
Preduzeti korake za formiranje Savjeta za projekte;  
Programom preduzeti mjere za podizanje javne sigurnosti građana;  
Poduzeti mjere za eliminisanje korupcije;  
Posvetiti posebnu pažnju formiranju arhiva i arhivske građe.

**Odgovor:** Usvojen program rada za 2017. godine

- Preduzeti korake ka certifikaciji općinske administracije - **poduzete aktivnosti;**
- Preduzeti korake za formiranje Savjeta za projekte - **poduzete aktivnosti;**
- Programom preduzeti mjere za podizanje javne sigurnosti građana - **Savjet za bezbjednost zasjedao;**
- Poduzeti mjere za eliminisanje korupcije - **kontinuiran proces;**
- Posvetiti posebnu pažnju formiranju arhiva i arhivske građe – **u procesu.**

- AD – 2. a) Izvještaj o radu Općinskog pravobranilaštva za 2016. godinu  
b) Program rada za 2017. godinu;

### **Z A K L J U Č A K**

- 2.1. a) Usvaja se Izvještaj o radu Općinskog pravobranilaštva za 2016. godinu.  
b) Program rada Općinskog pravobranilaštva za 2017. godinu.

2.2. b) Usvaja se Program rada Općinskog pravobranilaštva za 2017. godinu.

2.3. Općinsko pravobranilaštvo treba ponuditi program mjera Općinskom vijeću kako otpisati loša, nenaplativa potraživanja fizičkih i pravnih lica koja više ne postoje, ili ne egzistiraju a ukoliko za to postoji zakonska osnova.

**Odgovor:**

**Zaključak 2.3.** Informacija o odluci o otpisu predmeta dostavljen i razmatrat će se na 6. redovnoj sjednici Općinskog vijeća.

- AD – 3. a) Izvještaj o radu OIK-a za 2016. godinu  
b) Program rada za 2017. godinu.

**AD – 4. Odluka o visini naknade članovima Općinske izborne komisije.**

### **Z A K L J U Č A K**

- 4.1. Usvaja se Odluka o visini naknade članovima Općinske izborne komisije.

4.2. Utvrđuje se visina naknade za 2017. godinu, koja je neizborna u iznosu od po 70,00 KM u neto iznosu mjesečno za svakog člana Općinske izborne komisije.

4.3. Ukida se mjesto sekretara Općinske izborne komisije i stavlja se van snage Rješenje broj: 02-05-1-870/16 od 12.05.2016.godine.

**Odgovor: Realizovano :**

**Zaključak 4.2.** Odluka dostavljena u Službu za privredu, finansije i razvoj poduzetništva i po istoj se postupa. Odluka objavljena u «Službenim novinama Općine Maglaj».

Služba za privredu, finansije i razvoj poduzetništva u skladu sa utvrđenom naknadom po podnesenom zahtjevu OIK-a i Odlukom o odobravanju novčanih sredstava, potpisane od strane Općinskog načelnika vrši obračun i prijenos novčanih sredstava na račun OIK-a

**Zaključak 4.3.** – Realizovano

AD – 5. Prijedlog Odluka o izmjeni Regulacionog plana:

a) - Prijedlog Odluke pristupanje izmjeni Regulacionog plana «Centar Maglaj – južni dio» - Herceg D.o.o. Maglaj.

**Z A K L J U Č A K**

5.1. Nalaže se Službi za urbanizam, geodetske i imovinsko pravne poslove da obustavi prijem novih zahtjeva za izmjene Regulacionih planova. Izuzetno odstupiti od ovog zaključka kad je u pitanju opći interes općine Maglaj i privrednih poduzetnika.

5.2. Završiti započete postupke izmjena Regulacionih planova, za podnesene zahtjeve do 01.02.2017. godine.

**Odgovor:** Služba za urbanizam, geodetske i imovinsko pravne poslove postupak po navedenom zaključku.

**Z A K L J U Č A K**

5.a) Usvaja se Odluka o pristupanju izmjeni Regulacionog plana «Centar Maglaj – južni dio» - Herceg D.o.o. Maglaj, po skraćenom postupku.

**Odgovor:**

**Zaključak: 5.a)** - Postupak je u toku, provodi se odabir Nosioca izrade Regulacionog plana.

b) Prijedlog Odluke o usvajanju izmjene Regulacionog plana "Centar Maglaj sjeverni dio" ( po zahtjevu Ševale Mašić i Musli Totaj ).

**Z A K L J U Č A K**

5.b) Usvaja se Odluka o usvajanju izmjene Regulacionog plana «Centar Maglaj – sjeverni dio» ( po zahtjevu Mašić Ševale i Totaj Musli ).

**Odgovor:** Završen postupak – Općinski načelnik aktom broj: 05-23-7-1363/14 od 16.02.2017. godine, dostavio obavještenje podnosiocu zahtjeva.

c) Prijedlog Odluke o usvajanju izmjene Regulacionog plana "Centar Maglaj sjeverni dio" ( po zahtjevu Mahmić Nurudina).

## ZAKLJUČAK

5.c 1.) Usvaja se Odluka o usvajanju izmjene Regulacionog plana «Centar Maglaj – sjeverni dio» ( po zahtjevu Mahmić Nurudina).

5.c 2.) Služba za urbanizam, geodetske i imovinsko pravne poslove će prilikom izdavanja urbanističke saglasnosti voditi računa da li je objekat u planiranim granicama parcele, dimenzije objekta i udaljenost objekata od susjednih objekata minimalno 5 metara.

5.c 3.) U postupku izdavanja urbanističke saglasnosti Služba će uobziriti pismene zahtjeve porodice Hasanić, a koji se tiču urbanističko tehničkih uslova i odobrenja za građenje.

**Odgovor:** - Završen postupak - Općinski načelnik aktom broj: 05-23-7-2574/15 od 16.02.2017. odine dostavio obavještenje podnosiocu zahtjeva.

AD – 6. Prijedlog rješenja o izuzimanju zemljišta radi privođenja trajnoj namjeni Regulacionog plana „Maglaj-Centar-sjeverni dio“ za potrebe izgradnje trotoara i javnog parkinga.

## ZAKLJUČAK

6.1. Donosi se Rješenje o izuzimanju zemljišta radi privođenja trajnoj namjeni Regulacionog plana „Maglaj-Centar-sjeverni dio“ za potrebe izgradnje trotoara i javnog parkinga.

**Odgovor:** Zaključak realizovan, doneseno Rješenje OV o izuzimanju zemljišta radi privođenja trajnoj namjeni Regulacionog plana „Maglaj-Centar-sjeverni dio“ za potrebe izgradnje trotoara i javnog parkinga, broj: 02-05-1-177/17 od 01.02.2017. godine, provedeno u zemljišnoj knjizi Zemljišnoknjžnog ureda Maglaj i Katastru Službe za urbanizam, geodetske i imovinsko pravne poslove Općine Maglaj.

AD – 7. Nacrt Odluke o prosječnoj konačnoj građevinskoj cijeni 1m2 korisne stambene površine.

## ZAKLJUČAK

7.1. Usvaja se Nacrt Odluka o prosječnoj konačnoj građevinskoj cijeni 1 m2 korisne stambene površine.

Otvora se javna rasprava u trajanju od 15 dana.

7.2. Da se u postupku javne rasprave uključi Savjet za privredu, firme koje se bave izgradnjom stambeno-poslovnih objekata, Komisija za kulturno historijsko naslijeđe, kao i svi zainteresirani građani po pozivu za javnu raspravu.

7.3. Iskalkulisati finansijsku korist jer za povećanje predložene cijene postoje realne osnove.

7.4. U provođenju procedure javne rasprave konsultovati podatak Federalnog zavoda za statistiku, a zadnji objavljen podataka iz ove institucije kaže da je cijena viša od 1.400,00 KM/m2 za područja van Sarajeva.

7.5. Odluka se po zakonu treba valorizovati svaka tri mjeseca.

**Odgovor:** Zaključak realizovan, provedena javna rasprava te sačinjen prijedlog Odluke o prosječnoj konačnoj građevinskoj cijeni 1 m2 korisne stambene površine i upućen OV na razmatranje, a koju Odluku je Općinsko vijeće usvojilo na sjednici održanoj dana 02.03.2017. godine.



AD – 8. Prijedlog Odluke o prodaji nekretnine neposrednom pogodbom Halilović (Rifat) Jasminu radi oblikovanja građevinske parcele.

## **Z A K L J U Č A K**

8.1. Usvaja se Odluka o prodaji nekretnine neposrednom pogodbom Halilović (Rifat) Jasminu radi oblikovanja građevinske parcele.

8.2. Općinsko vijeće utvrđuje cijenu 1 m<sup>2</sup> u iznosu od 140,00 KM.

8.3. Obavezuje se Služba za urbanizam, geodetske i imovinsko pravne poslove da za slijedeću sjednicu pripremi Odluku o kriterijima i standardima utvrđivanja cijene i prodaje građevinskog zemljišta neposrednom pogodbom. U odluku ugraditi tri elementa: pogodnost zemljišta, kvalitet zemljišta, dobit investitora umanjena za određena ulaganja.

### **Odgovor:**

Zaključci 8.1. i 8.2. realizovani, zaključen ugovor o kupoprodaji nekretnina, Halilović Jasmin uplatio naknadu za zemljište u iznosu od 8.120,00 KM, troškove postupka u iznosu 100,00 KM, naknadu za vršenje usluga u iznosu od 250,00 KM.

U skladu sa navedenim Zaključkom OV je za narednu sjednicu dostavljen Prijedlog Odluke o kriterijima i standardima utvrđivanja cijene i prodaje gradskog građevinskog zemljišta u vlasništvu Općine Maglaj, po kom prijedlogu je OV na sjednici održanoj 02.03.2017. godine usvojilo Zaključak broj: 02-05-1-440/17 kojim se vraća Prijedlog Odluke o kriterijima za prodaju građevinskog zemljišta neposrednom pogodbom, na doradu kako bi se u roku od 60 dana sačinila preciznija i sveobuhvatnija Odluka te predložila Općinskom vijeću na usvajanje, te zadužena Služba za urbanizam, geodetske i imovinsko-pravne poslove.

AD – 9 Informacija o toku izrade PROSTORNOG PLANA OPĆINE MAGLAJ.

Informacija o toku izrade PROSTORNOG PLANA OPĆINE MAGLAJ, prima se k znanju.

9.1. Donesen zaključak da se u skladu sa zakonom provedu sve propisane procedure u donošenju Prostornog plana općine Maglaj.

**Odgovor** Propisane procedure po Zakonu o prostornom uređenju i građenju zeničko –dobojskog kantona ( Službene novine Zeničko- dobojskog kantona broj. 01/14) i Uredbi o jedinstvenoj metodologiji za izradu planskih dokumenata ( Službene novine FBiH: broj. 50/07) se primjenjuju u izradi Prostornog plana, i njegovom donošenju.

AD – 10. Prijedlog Odluke o prenošenju ovlasti Općinskog vijeća na Općinskog načelnika o raspolaganju i upravljanju sportskim terenima do donošenja konačnog rješenja (gradski stadion, poligon kod OŠ «Maglaj» i poligon kod «Prve osnovne škole» Maglaj).

## **Z A K L J U Č A K**

10.1. Usvaja se Odluka o prenošenju ovlasti Općinskog vijeća na Općinskog načelnika o raspolaganju i upravljanju sportskim terenima do donošenja konačnog rješenja (gradski stadion, poligon kod OŠ «Maglaj» i poligon kod «Prve osnovne škole» Maglaj).

**Odgovor:** Služba u radu primjenjuje navedenu Odluku.

AD – 11. Prijedlog Odluke o izmjenama i dopunama Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Maglaj.

## **ZAKLJUČAK**

11.1. Usvaja se Odluka o izmjenama i dopunama Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Maglaj uz predložene izmjene.

11.2. Da dosadašnji Nadzorni odbor KJD d.o.o. Maglaj, nastavi obavljati funkciju do izbora novog Nadzornog odbora, a najduže 90 dana.

11.3. Da se zbog kršenja zakonom propisanih pravila i procedura pozivaju se svi članovi Nadzornih i Upravnih odbora u preduzećima i ustanovama čiji osnivač je Općinsko vijeće Maglaj da svoje mandate stave na raspolaganje, odnosno podnesu ostavke na te funkcije, u roku od 30 dana, nakon čega će Općinsko vijeće donijeti Odluku o njihovom razrješenju i pokrenuti zakoniti postupak za imenovanje novih članova.

11.4. Da se do naredne sjednice Općinskog vijeća pripremi i dostavi na usvajanje nova Odluka koja će biti usklađena sa Zakonima koji regulišu ove ovlasti.

**Odgovor:** Realizovano, Odluka usvojena na 5. sjednici Općinskog vijeća, raspisani Konkursi procedura u toku.

AD – 12. Odluka o kriterijima, mjerilima i načinu finansiranja parlamentarnih grupa političkih stranaka u 2017. godini.

## **ZAKLJUČAK**

12.1. Usvaja se Odluka o kriterijima, mjerilima i načinu finansiranja parlamentarnih grupa političkih stranaka u 2017. godini.

**Odgovor:** Služba za privredu, finansije i razvoj poduzetništva, shodno Odluci Općinskog načelnika baziranoj na Odluci o kriterijima, mjerilima i načinu finansiranja parlamentarnih grupa političkih stranaka u 2017. godini OV Maglaj, vrši transfer sredstava političkim partijama za finansiranje parlamentarnih grupa političkih stranaka.

AD – 13. Rješenje o izmjeni Rješenja o imenovanju Komisije za izbor i imenovanje.

## **ZAKLJUČAK**

13.1. Donosi se Rješenje o izmjeni Rješenja o imenovanju Komisije za izbor i imenovanje.

**Odgovor:** Rješenje objavljeno u «Službenim novinama Općine Maglaj».

AD – 15. Odluka o izmjeni i dopuni Odluke o administrativnim taksama i tarifi općinskih administrativnih taksa (uvođenje kategorije smanjenja za poljoprivredne djelatnosti registrirane kao obrt).

## **ZAKLJUČAK**

15.1. Usvaja se Odluka o izmjeni i dopuni Odluke o administrativnim taksama i tarifi općinskih administrativnih taksa (uvođenje kategorije smanjenja za poljoprivredne djelatnosti registrirane kao obrt).

Općinsko vijeće predlaže iznos od 25,00 KM

**Odgovor:** Služba postupila u skladu sa Zaključkom OV Maglaj

**AD – 16. Nacrt Odluke o raspodjeli novčanih sredstava za studentske stipendije za akademsku 2016/2017. godinu.**

AD – 17. Nacrt Kriterija za dodjelu stipendija redovnim studentima općine Maglaj za akademsku 2016/2017. godinu.

**Z A K L J U Č A K po ad-16 i ad 17**

16.1. Usvaja se Nacrt Odluke o raspodjeli novčanih sredstava za studentske stipendije za akademsku 2016/2017. godinu.

17.1. Usvaja se Nacrt Kriterija za dodjelu stipendija redovnim studentima općine Maglaj za akademsku 2016/2017. godinu.

Općinsko vijeće upućuje Nacrt Odluke i Kriterija u javnu raspravu i utvrđuje rok od 15 dana, za provođenje iste.

17.2. Obavezuju se Komisija za obrazovanje, nauku, kulturu i sport i Komisiju za mlade i ravnopravnost spolova, da se aktivno uključe i dostave svoje prijedloge na nacrt Odluka i Kriterija.

17.3. Zadužuje se Služba za BiZ, opću upravu i društvene djelatnosti da zatraži podatke od Biroa za zapošljavanje koja su to najtraženija zanimanja, kao i Javnih ustanova i privrednih društava podatke o deficitarnim kadrovima.

17.4. Zadužuje se Služba za BiZ, opću upravu i društvene djelatnosti da provede javnu raspravu.

**Odgovor:** Realizovano, obavljene javne rasprave, prikupljeni podaci u skladu sa zaključcima Općinskog vijeća.

**Četvrta redovna sjednice Općinskog vijeća održana dana 02.03.2017.godine**

AD – 1 Prijedlog Odluka o postupcima, standardima i kriterijima imenovanja na pozicije u reguliranim tijelima Općine Maglaj;

**Z A K L J U Č A K**

1.1. Usvaja se Odluka o postupcima, standardima i kriterijima za imenovanja na upražnjene pozicije u reguliranim tijelima Općine Maglaj.

1.2. Na prijedlog Općinskog načelnika, Usvaja se Rješenje o imenovanju Komisije za izbor na upražnjene pozicije u reguliranim organima Općine Maglaj u slijedećem sastavu:

- Bašić Sadina – predsjednik
- Mahmutović Merima
- Dunđer Dragomir
- Saračević Jasminka
- Sofić Mirsada

**Odgovor:** Realizovano, Konkurs raspisan – postupak u toku.

**AD – 2. Prijedlog Odluke o raspodjeli novčanih sredstava za studentske stipendije za akademsku 2016/2017. godinu;**

AD – 3. Prijedlog Kriterija za dodjelu stipendija redovnim studentima općine Maglaj za akademsku 2016/2017. godinu;

**Z A K L J U Č A K**

2.1. Usvaja se Odluka o raspodjeli sredstava za studentske stipendije za akademsku 2016/2017 godinu.

3.1. Usvajaju se Kriteriji za dodjelu stipendija redovnim studentima općine Maglaj za akademsku 2016/2017 godinu.

3.2. Usvaja se Zaključak komisije za Statut, poslovnik i propise kojim se preporučuje brisanje pojedinih odredbi iz preambule Odluke kao bespotrebni.

3.3. Zaključak Komisija za obrazovanje, nauku, kulturu i sport i Komisija za mlade i ravnopravnost spolova OV Maglaj treba da blagovremeno preduzmu aktivnosti kako bi se do iduće godine sačinila kvalitetnija i sveobuhvatnija Odluka sa kriterijima, pri čemu je potrebno uobziriti i sugestije iznesene na sjednici a tiču se tretmana deficitarnih zanimanja – kao npr. inženjer tekstilne industrije, tekstilni pogonski inženjer i tretmana studenata „Bolonjskog ciklusa“ i svega ostalog što smatraju relevantnim.

**Odgovor:** Realizovano – postupak u toku

AD – 4. Prijedlog Odluke o pristupanju izradi Regulacionog plana “Groblje – Borik” u Maglaju;

### **Z A K L J U Č A K**

4.1. Usvaja se Odluka o pristupanju izradi Regulacionog plana „Groblje –Borik“ u Maglaju sa izmjenom u nabranjanju parcela. U usvojenom tekstu izostavlja se parcela k.č. 2698.

4.2. Nalaže se Općinskom načelniku i šefu Službe za urbanizam, stambeno-komunalne i imovinsko pravne poslove, da iniciraju u što skorije vrijeme radni sastanak sa Premijerom ZDK i ministrom za poljoprivredu, vodoprivredu i šumarstvo, gdje bi upoznali iste o važnosti rješavanja komunalnog problema za građane Općine Maglaj.

4.3. Nalaže se Općinskom načelniku da formira ekspertni tim u čijem će sastavu biti predstavnik Općinske Službe, KJD Maglaj i komunalni inspektor, kao i drugi po procjeni načelnika, da izrade cjelovitu Odluku o pogrebnoj djelatnosti do konačnog usvajanja Regulacionog plana „Borik“ Maglaj.

4.4. Prihvata se sugestija Komisije za statut, poslovnik i propise, da se u preambuli Oduke navede prvo „stariji“ pravni akt- odnosno članovi zakona, pa onda akti općinskog značaja.

4.5. Da se u izradi Regulacionog plana zahtijevaju najkraći mogući rokovi u skladu sa propisima od strane nosioca izrade Regulacionog plana.

Da se poziv objavi već naredne sedmice.

**Odgovor:** Realizovano, Informacija o aktivnostima će se razmatrati na 6. redovnoj sjednici Općinskog vijeća.

AD – 5. Prijedlog Odluke o prosječnoj konačnoj građevinskoj cijeni 1m2 korisne stambene površine;

### **Z A K L J U Č A K**

5.1. Usvaja se Odluka o prosječnoj građevinskoj cijene 1m2 korisne stambene površine kao u prijedlogu (700 KM sa PDV-om).

5.2. Obavezuje se Služba za urbanizam da pripremi plan utroška tih prikupljenih sredstava .

5.3. Prihvata se sugestija Komisije za statut, poslovnik i propise, da se u preambuli Oduke navede prvo „stariji“ pravni akt- odnosno članovi zakona, pa onda akti općinskog značaja.

5.4. Zadužuje se nadležna Služba da prati kretanje cijena na tržištu po metodologiji propisanoj Zakonom, da revalorizuje iznos cijene svaka tri mjeseca i po potrebi predloži izmjene cijene Općinskom Vijeću Maglaj.

**Odgovor:**

5.1. Realizovano.

5.2. U toku su aktivnosti na pripremi navedenog plana.

5.3. Realizovano

5.4. Zadužuje se nadležna Služba da prati kretanje cijena na tržištu po metodologiji propisanoj Zakonom, da revalorizuje iznos cijene svaka tri mjeseca i po potrebi predloži izmjene cijene Općinskom Vijeću Maglaj.

Postupat će se po zaduženju.

AD – 6. Prijedlog Odluke o kriterijima za prodaju građevinskog zemljišta neposrednom pogodbom;

**Z A K L J U Č A K**

6.1. Vraća se Prijedlog Odluke o kriterijima za prodaju građevinskog zemljišta neposrednom pogodbom, na doradu kako bi se u roku od 60 dana sačinila preciznija i sveobuhvatnija Odluka te predložila Općinskom vijeću na usvajanje.

**Odgovor:** Radi se na doradi Prijedloga Odluke.

AD – 7. Prijedlog zaključka na inicijativu MZ Kosova o vraćanju na snagu planske dokumentacije urbanistički red-urbanistički plan Kosova;

**Z A K L J U Č A K**

7.1. Usvaja se zaključak o vraćanju na snagu planske dokumentacije urbanistički red – urbanistički plan Kosova

7.2. U članu II Zaključka umjesto riječi „Donosi se Odluka o ponovnoj primjeni“, treba da stoji „Ovim Zaključkom se ponovo primjenjuju odredbe“. Ostali tekst ostaje nepromijenjen.

**Odgovor:** Završen postupak- Općinski načelnik aktom broj: 05-23-7-2107/16. od 13.03.2017. godine dostavio obavještenje MZ KOSOVA

AD – 8. Prijedlog Odluke o usvajanju izmjene Regulacionog plana “Misurići” ( zahtjev “HM promet” d.o.o. Maglaj).

**Z A K L J U Č A K**

8.1. Usvaja se Odluka o usvajanju izmjena Regulacionog plana „Misurići“ (zahtjev „HM promet“ d.o.o. Maglaj) .

8.2. Prihvata se sugestija Komisije za statut, poslovnik i propise, da se u preambuli Oduke navede prvo „stariji“ pravni akt- odnosno članovi zakona, pa onda akti općinskog značaja.

**Odgovor:** Završen postupak, Općinski načelnik aktom broj: 05.23-7-969/16 od 13.03.2017. godine dostavio obavještenje podnosiocu zahtjeva.

AD – 9. Prijedlog Odluke o usvajanju izmjene Regulacionog plana “Centar Maglaj-južni dio” ( zahtjev Ljuca Adis, Sović Sanja i Bureau Amra);

## **Z A K L J U Č A K**

9.1. Usvaja se Odluka o usvajanju izmjene Regulacionog plana “Centar Maglaj-južni dio” ( zahtjev Ljuca Adis, Sović Sanja i Bureau Amra).

9.2. Prihvata se sugestija Komisije za statut, poslovnik i propise, da se u preambuli Oduke navede prvo „stariji“ pravni akt- odnosno članovi zakona, pa onda akti općinskog značaja.

**Odgovor:** Završen postupak- Općinski načelnik aktom broj: 05-23-7-1015/16 od 13.03.2017. godine dostavio obavještenje podnosiocu zahtjeva.

AD –10. Rješenje o odbijanju zahtjeva Džino Petrol” d.o.o. Maglaj, za dodjelu neizgrađenog gradskog građevinskog zemljišta radi gradnje uz postojeću parcelu;

## **Z A K L J U Č A K**

10.1. Usvaja se Rješenje o odbijanju zahtjeva Džino Petrol d.o.o. Maglaj za dodjelu neizgrađenog gradskog građevinskog zemljišta radi gradnje uz postojeću parcelu.

10.2. Zadužuje se Služba za urbanizam da u pouci Rješenja detaljnije obrazloži podnosiocu zahtjeva sve zakonske mogućnosti koje su mu na raspolaganju, kako bi eventualno ostvario svoj interes iz zahtjeva.

Prihvata se sugestija Komisije za statut, poslovnik i propise, da se u preambuli Oduke navede prvo „stariji“ pravni akt- odnosno članovi zakona, pa onda akti općinskog značaja.

### **Odgovor:**

10.1.Zaključak realizovan, doneseno Rješenje o odbijanju zahtjeva Džino Petrol d.o.o. Maglaj za dodjelu neizgrađenog gradskog građevinskog zemljišta radi gradnje uz postojeću parcelu, broj: 02-05-1-448/17.

Zaključak 10.2. nije realizovan, prethodnim zaključkom usvojeno navedeno rješenje tako da je isto doneseno bez dodatnog obrazloženja u pouci rješenja a po ovom zaključku.

AD – 11. Prijedlog Odluke o pristupanju izmjenama i dopunama Poslovnika o radu OV;

## **Z A K L J U Č A K**

11.1.Usvaja se Odluka o pristupanju izmjenama i dopunama Poslovnika o radu OV Maglaj.

11.2.Zadužuje se Komisije za Statut, Poslovnik i propise, da uz stručnu i tehničku pomoć predstavnika organa uprave, koje odredi Općinski načelnik, uradi tekst Nacrta Odluke o izmjenama i dopunama Poslovnika o radu OV.

**Odgovor:** Postupak u toku

AD –12. a) Izvještaj o radu komunalno-sanitarno-vodoprivrednog inspektora za period 1.1. – 31.12.2016. godine;

b) Program rada za 2017. godinu;

## **Z A K L J U Č A K**

12.1. a) Usvaja se Izvještaj za period 1.1.2016.-31.12.2016. godinu.

12.2. b) Usvaja se Programa rada za 2017. godinu komunalno-sanitarno-vodoprivrednog inspektora, te sugeriše da u realizaciji programa imaju u vidu iznesene sugestije i prijedloge vijećnika, vezane za usklađivanje zakona i propisa koje u svom radu koriste inspekcije ( tj. da pokrenu postupke za donošenje novih, odnosno usklađivanje postojećih propisa) .

**Odgovor:** Postupak u toku

AD – 13. a) Godišnji Izvještaj o radu urbanističko-građevinskog i putnog inspektora za period 1.1. – 31.12.2016. godine;

b) Plan rada za 2017. godinu;

## **Z A K L J U Č A K**

13.1. a) Usvaja se Izvještaj za period 1.1.2016.-31.12.2016. godine.

13.2. b) Usvaja se Program rada za 2017. godinu urbanističko-građevinskog i putnog inspektora, te sugeriše da u realizaciji programa imaju u vidu iznesene sugestije i prijedloge vijećnika, vezane za usklađivanje zakona i propisa koje u svom radu koriste inspekcije ( tj. da pokrenu postupke za donošenje novih, odnosno usklađivanje postojećih propisa) .

**Odgovor:** Postupak u toku

AD – 14. Nacrt Strategije prema mladima općine Maglaj 2016-2020. ;

## **Z A K L J U Č A K**

14.1. Usvaja se Nacrt Strategije prema mladim općine Maglaj 2016-2020.

14.2. Zadužuje se Komisija za mlade i ravnopravnost spolova OV Maglaj da organizuje i provede javnu raspravu u roku od 60 dana. U organizaciji javne rasprave i za druge poslove, zadužuje se Općinski načelnik da putem službi pruži svu stručnu i tehničku pomoć Komisiji.

**Odgovor:** Postupak u toku, vrše se pripreme za održavanje javne rasprave.

AD –16. Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti sa prijedlogom mjera;

## **Z A K L J U Č A K**

16.1. Usvaja se Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti sa prijedlogom mjera.

Zadužuje se Općinski načelnik da u roku od 60 dana napravi hodogram donošenja akata koji trebaju biti usklađeni sa zakonima.

**Odgovor:** Postupak u toku.

**Peta redovna sjednica održana 06.04.2017. godine**

**AD - 1. Prijedlog Odluka o Poslovnim zonama:**

- a) Odluka o osnivanju poslovne zone "Misurići";
- b) Odluka o osnivanju Poslovne zone "Liješnica";
- c) Odluka o osnivanju Poslovne zone "Novi Šeher";

**Z A K L J U Č A K**

1.1. Usvajaju se Odluke o osnivanju Poslovnih zona «Misurići», «Liješnica», «Novi Šeher», uz predložene sugestije da se brišu k.č. brojevi u istim, da se usagласи način objavljivanja u «Službenim novinama Općine Maglaj.

1.2. Općinsko vijeće predlaže da se pristupi aktivnostima za donošenja Odluka o osnivanju Poslovnih zona Moševac i Kosova.

1.3. Zadužuje se Služba za privredu, finansije i razvoj poduzetništva da u roku od 60 dana, pripremi kompletnu Odluku u skladu sa Planom i Pravilima REZ agencije.

Da se u ove aktivnosti uključi Privredni savjet.

**Odgovor:** Po Javnom pozivu Federalnog ministarstva razvoja, poduzetništva i obrta Mostar dostavljena je Odluka o osnivanju Poslovne zone «Misurići» uz projektnu aplikaciju izgradnje primarne saobraćajnice kroz ovu poslovnu zonu.

Početak mjeseca maja očekuje se sastanak Privrednog savjeta na kojem će se razgovarati na temu pripreme kompletne Odluke o poslovnim zonama, a u skladu sa Planom i Pravilima REZ Agencije, o čemu će Vijeće biti svakako obaviješteno.

AD - 2. Prijedlog Odluke o utvrđivanju namjene prostora za bušeni bunar EB-1 na prostoru Regulacionog plana Kosova;

**Z A K L J U Č A K**

2.1. Donosi se Odluka o utvrđivanju namjene prostora za bušeni bunar EB-1 na prostoru Regulacionog plana Kosova.

2.2. Zadužuju se nadležne službe i komunalno-sanitarni inspektor da redovno informišu Općinsko vijeće po svakoj aktivnosti i svakoj fazi daljnje realizacije na izgradnji bunara EB 1.

2.3. Zadužuje se UG «Vodovod» Donja Kosova da redovno vrše analizu vode, kako hemijske i tehnološke tako i na teške metale, i da o tome obavještava Općinsko vijeće.

**Odgovor:** Služba će primjenjivati odluku u postupku po zahtjevu UG "Vodovod" Donja Kosova.

**AD - 3. Prijedlog Odluke o komunalnom redu i sanitarno-higijenskim mjerama na općini Maglaj;**

**Z A K L J U Č A K**

3.1. Vraća se na doradu Odluka o komunalnom redu i sanitarno-higijenskim mjerama na općini Maglaj.

Zadužuje se radna grupa, u koju će se uključiti vijećnici Ferić Hajrudin i Bradarić Mirza, da izvrši doradu Odluke. Doradenu Odluku dostaviti Općinskom vijeću na usvajanje do slijedeće sjednice.



**Odgovor:** Radna grupa u proširenom sastavu održala sastanak na kojem je donesen zaključak da se uradi novi Nacrt Odluke o komunalnom redu i sanitarno higijenskim mjerama i predlažu da Općinsko vijeće radnoj grupi ostavi rok od 60 dana za izradu iste.

**AD - 4. Rješenje o imenovanju Komisije za promet i procjenu vrijednosti nekretnina;**

**AD- 5. Rješenje o imenovanju Komisije za utvrđivanje poreza na imovinu, naslijeđe i poklon;**

## **Z A K L J U Č A K**

4.1. Usvaja se Rješenje o imenovanju Komisije za promet i procjenu vrijednosti nekretnina u sastavu:

Jasminko Kapić, ing. Šumarstva, predsjednik

Aida Hadžić, dipl. ekonomista, član

Fehim Alić, dipl.pravnik, član

4.2. Usvaja se Rješenje o imenovanju Komisije za utvrđivanje tržišne vrijednosti na imovinu, naslijeđe i poklon u sastavu:

Amir Alibajraktarević, dipl. Ekonomista, predsjednik

Nada Vilić-Jozić, ing. poljoprivrede/agronomije, član

Enisa Hatičić, ing. Građevine, član

**Odgovor:** Realizovano, Komisije rade po zahtjevima stranaka

**AD - 6. Odluka o pijacama;**

**a) Nacrt Odluke o upravljanju, uređivanja i održavanja gradske pijace;**

**b) Nacrt Odluke o upravljanju, uređivanju i održavanju pijace rabljene robe i druge robe;**

## **Z A K L J U Č A K**

6.1. Obavezuje se Općinski načelnik da formira radno tijelo koje će do naredne sjednice Općinskog vijeća pripremiti Nacrt Odluke o kriterijima i standardima pružanja usluga i održavanja tržnica na malo.

6.2. Općinsko vijeće sugerije da u sklopu radne grupe učestvuju i predstavnici KJD d.o.o. Maglaj sa svojim sugestijama koje su dostavili u formiranju nacrta.

**Odgovor:** Postupak u toku.

**AD - 7. Nacrt Program poticaja u poljoprivrednoj proizvodnji općine Maglaj za 2017. godinu;**

## **Z A K L J U Č A K**

7.1. Usvaja se Nacrt Program poticaja u poljoprivrednoj proizvodnji općine Maglaj za 2017. godinu.

7.2. U roku od 10 dana se mogu dostavljati pismeni prijedlozi i sugestiju u Službu za privredu, finasnije i razvoj poduzetništva, nakon čega će se pozvati Komisija za poljoprivredu, zajedno sa predstavnicima Službe da pregledaju te sugestije i pisane primjedbe, sačini prijedlog Programa koji će dostaviti na narednu sjednicu Općinskog vijeća.

**Odgovor:** Realizovano – Prijedlog Programa bit će razmatran na 6. sjednici Općinskog vijeća.

AD - 8. Nacrt Programa utroška sredstava – poticaja u zapošljavanju mladih poduzetnika za 2017. godinu;

### **Z A K L J U Č A K**

8.1. Usvaja se Nacrt Programa utroška sredstava – poticaja u zapošljavanju mladih poduzetnika za 2017. godinu.

8.2. Otvara se javna rasprava u trajanju od 15 dana od dana objave.

**Odgovor:** Provedena Javna rasprava u skladu sa Zaključkom OV i Prijedlog Programa utroška sredstava- poticaja u zapošljavanju mladih poduzetnika za 2017. godinu dostavljen u formi Prijedloga OV Maglaj kao tačka dnevnog reda za 6. redovnu sjednicu OV.

**AD - 12. Akcioni plan implementacije Strategije razvoja općine Maglaj 2012-2020 godina za 2017. godinu;**

### **Z A K L J U Č A K**

12.1. USVAJA SE Akcioni plan implementacije Strategije razvoja općine Maglaj 2012-2020 godina za 2017. godinu.

**Odgovor:** U skladu sa Akcionim planom Služba provodi dalje aktivnosti u cilju implementacije Strategije razvoja

AD - 13. Prijedlog Odluke o pristupanju izradi Nacrta Odluke o građevinskom zemljištu na općini Maglaj;

### **Z A K L J U Č A K**

13.1. Donosi se Odluka o pristupanju izradi Nacrta Odluke o građevinskom zemljištu na općini Maglaj.

13.2. Otvara se javna rasprava u trajanju od 30 dana, zadužuje se Služba za urbanizam, geodetske i imovinsko pravne poslove za provođenje javne rasprave.

**Odgovor:** Donesena Odluka o pristupanju izradi Nacrta Odluke o građevinskom zemljištu na općini Maglaj, te su u toku aktivnosti na realizaciji iste.

AD - 14. Prijedlog Odluka o pokretanju aktivnosti za izradu Nacrta Odluke o privremenom korištenju javnih površina;

### **Z A K L J U Č A K**

14.1. Donosi se Odluka o pokretanju aktivnosti za izradu Nacrta Odluke o privremenom korištenju javnih površina.

14.2. Otvara se javna rasprava u trajanju od 60 dana, zadužuje se Služba za urbanizam, geodetske i imovinsko pravne poslove za provođenje javne rasprave.

**Odgovor:** Donesena Odluka o pokretanju aktivnosti za izradu Nacrta Odluke o privremenom korištenju javnih površina, te su u toku aktivnosti na realizaciji iste.

AD - 15. Nacrt Odluke o kućnom redu, upravljanju, održavanju i korištenju stambenih i stambeno-poslovnih objekata;

## **Z A K L J U Č A K**

15.1. Usvaja se u vidu prednacrtu Odluka o kućnom redu, upravljanju, održavanju i korištenju stambenih i stambeno-poslovnih objekata.

15.2. Nacrt Odluke o kućnom redu, upravljanju, održavanju i korištenju stambenih i stambeno-poslovnih objekata pripremiti za narednu sjednicu Općinskog vijeća.

**Odgovor:** Nacrt Odluke o kućnom redu, upravljanju, održavanju i korištenju stambenih i stambeno-poslovnih objekata – pripremljen i razmatrat će se na 6. redovnoj sjednici Općinskog vijeća.

- JU Narodna apoteka;

## **Z A K L J U Č A K**

17.5. Ne usvaja se Izvještaj o radu JU Narodna apoteka Maglaj za 2016. godinu.

17.6. Ne usvaja se Program rada JU Narodna apoteka Maglaj za 2017. godinu.

17.7. Zadužuje se Služba za urbanizam, geodetske i imovinsko pravne poslove, da zbog problema pri prijemu lijekova, iznađete adekvatno rješenje bilo postavljanjem odgovarajućeg saobraćajnog znaka ili na neki drugi način a kako bi se riješio problem prijema lijekova.

**Odgovor:** Naručeni odgovarajući saobraćajni znakovi, ali još nisu došli. Realizacija u toku.

JU Dječiji vrtić

## **Z A K L J U Č A K**

Zadužuju se Načelnik i Službe da provjere da li ne usvajanje Izvještaja JU «Dječiji vrtić» povlači ostavku direktora u ovoj ustanovi.

**Odgovor:** Općinski načelnik i Služba za BiZ, opću upravu i društvene djelatnosti izvršili su uvid u Zakon o predškolskom odgoju i obrazovanju («Službene novine ZDK» broj: 7/10), Uredbu sa zakonskom snagom o ustanovama («Službeni list RBiH», broj: 6/92 i 8/93), i Pravila JU Dječiji vrtić Marglaj, broj: 25/11 od 16.11.2012. godine i utvrđeno je da kada nastupe uvjeti pod kojima po sili zakona prestaje rad u predškolskoj ustanovi i to za slučajeve utvrđene članom 58. alineja 2,3,4 i 5. Pravila JU Dječiji vrtić Maglaj, razrješenje direktora može od Upravnog odbora zahtijevati osnivač.

## **Z A K L J U Č A K**

Općinsko vijeće zadužuje nove upravne i nadzorne odbore da nakon konstituisanja sačine nove kvalitetne izvještaje o stvarnim stanjima u JP i JU, te da ih dostave Općinskom vijeću u roku od 90 dana.

**Odgovor:** Služba Općinskog načelnika i Općinskog vijeća će pratiti tok imenovanja novih upravnih i nadzornih odbora, po imenovanju istih bit će zatražen Izvještaj u skladu sa zaključkom OV.

## ZAKLJUČAK

Donosi se Odluka o davanju ovlaštenja za Delić Lejlu, da može obavljati poslove direktora u JU Centar za socijalni rad Maglaj do konačnog izbora i imenovanja direktora.

**Odgovor:** Realizovano

**AD - 18. Rješenje o imenovanju Komisije za izbor i imenovanje Upravni odbor JU «Dječiji vrtić»;**

## ZAKLJUČAK

18.1. Usvaja se Rješenje o imenovanju Komisije za izbor i imenovanje Upravni odbor JU «Dječiji vrtić».

18.2. Ovlašćuje se Općinski načelnik da imenuje Komisiju za izbor i imenovanje Upravni odbor JU «Dječiji vrtić».

**Odgovor:** Realizovano, imenovana Komisija za izbor i imenovanje Upravni odbor JU «Dječiji vrtić» u sastavu: Mirsada Skejić, Alma Sejmenović i Enisa Salkić. Raspisan Konkurs i objavljen procedura u toku.

**AD - 19. Odluka o razrješenju predsjednika i članova upravnih i nadzornih odbora;**

## ZAKLJUČAK

19.1. Donosi se Odluka o razrješenju predsjednika i članova upravnih i nadzornih odbora.

**Odgovor:** Realizovano, Odluka dostavljena svim razriješenim predsjednicima i članovima upravnih i nadzornih odbora.


**AD - 20. Odluka o pokretanju procedure izbora i imenovanja u reguliranim tijelima općine Maglaj;**

## ZAKLJUČAK

20.1. Donosi se Odluka o pokretanju procedure izbora i imenovanja u reguliranim tijelima općine Maglaj.

**Odgovor:** Realizovano, Raspisan Konkurs i procedura u toku.

Obradivač:  
Nisveta Bašić



PRIPREMILA:

Služba Općinskog načelnika i Općinskog vijeća